



Broj: 17-14-25710-10

Datum: 23.07.2018. godine

Na osnovu člana 64. stav (1) tačka b) , člana 70. st. (1) i (3) Zakona o javnim nabavkama („Sl. glasnik BiH“, broj 39/14), a u skladu sa članom 6. Uredbe o osnivanju Stručne službe za zajedničke poslove Kantona Sarajevo (“Sl. Novine Kantona Sarajevo broj 5/06 – Prečišćeni tekst) i Preporuke Komisije za nabavku roba u postupku javne nabavke i isporuke računara i računarske opreme za potrebe Kantonalne uprave za inspeksijske poslove Kantona Sarajevo od 19.07.2018. godine, načelnik Stručne službe za zajedničke poslove donio je

ODLUKU

o izboru najpovoljnijeg ponuđača u konkurentskom postupku javne nabavke i isporuke računara i računarske opreme za potrebe organa Kantona Sarajevo za LOT 1

Član 1.

(Predmet Odluke)

Prihvata se Preporuka Komisije za nabavku roba u postupku javne nabavke i isporuke računara i računarske opreme za potrebe Kantonalne uprave za inspeksijske poslove Kantona Sarajevo i ugovor za javnu nabavku za LOT 1 dodjeljuje se najpovoljnijem ponuđaču „**Kamer commerce d.o.o. Sarajevo**“, ponuda broj: 529/18 od 13.07.2018. godine, zaprimljena pod br. 17-14-27931 od 16.07.2018. godine, za ponudenu ukupnu cijenu u iznosu od 87.997,00 KM bez PDV-a, odnosno 102.956,49 KM sa PDV-om.

Član 2.

(Prijedlog ugovora)

- (1) Prijedlog ugovora dostavit će se na potpis izabranom ponuđaču u skladu sa članom 72. Zakona o javnim nabavkama („Sl. glasnik BiH“, broj 39/14) (*u daljem tekstu: Zakon*).
- (2) Izabrani ponuđač je dužan dostaviti dokumente zahtijevane tenderskom dokumentacijom iz čl. 45. i 47. Zakona u roku od 5 dana od dana prijema ove odluke.
- (3) U slučaju da izabrani ponuđač propusti dostaviti tražene dokumente u određenom roku, Stručna služba za zajedničke poslove Kantona Sarajevo će poništiti predmetni postupak.

Član 3.

(Objava Odluke)

Ova odluka objavit će se na web-stranici ugovornog organa www.sszp.ks.gov.ba, istovremeno s upućivanjem obavijesti ponuđačima koji su učestvovali u postupku javne nabavke, u skladu sa članom 70. stav (6) Zakona.



OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 17-14-25710-1 od 25.06.2018. godine.

Javna nabavka je provedena putem otvorenog postupka javne nabavke.

Ukupna procijenjena vrijednost nabavke iznosi 118.000,00 KM, od čega 88.000,00 KM za LOT 1.

Obavještenje o nabavci broj: 1230-1-1-55-3-37/18 objavljeno je dana 25.06.2018. godine.

Tenderska dokumentacija objavljena na portalu javnih nabavki dana 25.06.2018. godine.

Komisija za javnu nabavku imenovana je Odlukom o imenovanju broj:17-01-05-31300 od 20.10.2017. godine.

Krajnji rok za prijem ponuda bio je: 16.07.2018. godine do 14:00h, a javno otvaranje ponuda je upriličeno u Multimedijalnoj sali (Ul. Reisa Džemaludina Čauševića 1), sa početkom u 14:30h.

Komisija za javnu nabavku je rukovodiocu institucije dostavila Zapisnik o pregledu i ocjeni ponuda broj: 17-14-25710-9 od 19.07.2018. godine koji ujedno čini preporuku o izboru najpovoljnijeg ponuđača za LOT 1.

U postupku po Zapisniku Komisije utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajući zapisnik, u kojima je za LOT 1 utvrđeno sljedeće:

- Ukupan broj pristiglih ponuda: 9
- Broj blagovremeno zaprimljenih ponuda: 9
- Broj neblagovremeno zaprimljenih ponuda: 0
- Broj prihvatljivih ponuda: 1
- Broj neprihvatljivih ponuda: 8

Komisija je pristupila analizi dostavljene dokumentacije u smislu provjere validnosti ponuda obzirom na iskazane zahtjeve Ugovornog organa u predmetnom postupku, a u skladu sa procedurama i pravilima utvrđenim Zakonom i ostalim podzakonskim aktima.

Prikaz pristiglih ponuda prema obliku, sadržaju i potpunosti, iz zapisnika sa otvaranja ponuda:

Prikaz pristiglih ponuda prema obliku, sadržaju i potpunosti, iz zapisnika sa otvaranja ponuda za LOT 1:

Red. br.	PONUĐAČ	Ukupna cijena ponude u KM bez PDV-a / sa PDV-om	
1.	Kamer Commerce d.o.o. Sarajevo	87.997,00	102.956,49
2.	ALF-OM d.o.o. Banja Luka	87.840,00	102.772,80
3.	FIXIT d.o.o. Sarajevo	87.989,57	102.947,80
4.	Time Code d.o.o. Sarajevo	87.988,00	102.945,96
5.	ASPO RAIL d.o.o. Sarajevo	87.465,00	102.334,05



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094, Fax: + 387 (0) 33 562-220
Sarajevo, Reisa Džemaludina Čauševića 1



6.	Digitarija d.o.o. Sarajevo	87.999,00 /	102.958,83
7.	Defter d.o.o. Sarajevo	112.022,90 /	131.066,79
8.	Rebus d.o.o. Sarajevo	87.850,70 /	102.785,32
9.	ELUR d.o.o. Kiseljak	87.958,00 /	102.910,86

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da:

1. je ponuda ponuđača **Kamer Commerce d.o.o.** je kompletna i formalno pravno prihvatljiva. Detaljnim pregledom ponude utvrđeno je da je na strani 8. ponude za ponuđenu stavku pod rednim brojem 1. navedeno “56 GB SDD + 1TB”, dok je tehničkim specifikacijama predmetne nabavke definirano da ponuđena oprema pod tačkom 1. Obrasca za cijenu ponude (Prilog 2 TD) mora ispunjavati minimalne karakteristike, gdje je između ostalog navedeno “Disk 256 GB SSD za OS i 1 TB za podatke”. Kako je na strani 11. ponude priložen pregled proizvođača za sve dostupne opcije specifikacija uređaja istog naziva, gdje je za pohranu podataka navedeno “solid state drive 128/256”, te kako je opće poznato da ne postoji disk veličine 56 GB, te da je najveća vjerovatnoća da je u pitanju slovna greška, upućen je zahtjev za pojašnjenje ovog dijela ponude ponuđaču dana 19.07.2018. godine. Ponuđač je dostavio zahtjevano pojašnjenje ponude dana 19.07.2018. godine, odnosno u predviđenom roku, u kojem navodi da je prilikom unosa teksta napravljena slovna greška, te potvrđuje da ponuđeni uređaj isporučuje sa prostorom za pohranu podataka ukupne veličine 256 GB SDD+1TB, na osnovu čega je ponuda ponuđača ocijenjena kao tehnički prihvatljiva.
2. se ponude ponuđača **FIXIT d.o.o. Sarajevo, ASPO RAIL d.o.o. Sarajevo i Defter d.o.o. Sarajevo odbacuju** iz razloga što navedeni ponuđači nisu dostavili kopiju ponude, a kako je zahtijevano Poglavljem IV tačka 1) podtačka o) tenderske dokumentacije. Ponude se odbacuju u skladu sa članom 68. stav (4) tačka i) iz razloga što ponude nisu potpune.
3. se ponuda **ELUR d.o.o. Kiseljak odbacuje** iz razloga što je ponuđač propustio dostaviti kopiju Bilansa stanja za 2017. godinu, a kako je zahtijevano tačkom 1.4 “Ekonomska i finansijska sposobnost” tenderske dokumentacije. Ponuda se odbacuje u skladu sa članom 68. stav (1) i (4) tačka i) iz razloga što je ponuđač dostavio nepotpune dokaze koji su dokaz ispunjavanja uslova iz čl .47 te iz razloga što ponuda nije potpuna.
4. se ponude ponuđača **ALF-OM d.o.o. Banja Luka, Time Code d.o.o. Sarajevo, Digitarija d.o.o. Sarajevo i Rebus d.o.o. Sarajevo odbacuju** iz razloga što ponude ponuđača ne ispunjavaju postavljene minimalne tehničke specifikacije. Tenderskom dokumentacijom su definirane minimalne tehničke specifikacije gdje je za stavku pod rednim brojem 1., između ostalog, zahtijevano „Disk: 256 GB SSD za OS i 1 TB za podatke“, dok su svi navedeni ponuđači ponudili model Dell Vostro 3578 sa opcijom vanjskog HDD veličine 1TB koji se spaja preko USB kabla, odnosno nije integrisan u samom uređaju, a kako je traženo tenderskom dokumentacijom.



Na osnovu navedenog, a u skladu sa kriterijem najniža cijena tehnički zadovoljavjuće ponude Komisija je dala preporuku rukovodiocu ugovornog organa da ugovor o javnoj nabavci dodijeli prvorangiranom najpovoljnijem ponuđaču Kamer commerce d.o.o. Sarajevo, bez potrebe organizovanja E-aukcije obzirom da je pristigla samo jedna prihvatljiva ponuda.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku, a izbor najpovoljnijeg ponuđača je izvršen u skladu sa Zakonom, podzakonskim aktima i tenderskom dokumentacijom.

Iz navedenih razloga, primjenom člana 64. stava (1) tačka b) Zakona, odlučeno je kao u dispozitivu.

POUKA O PRAVNOM LIJEKU:

U skladu sa članom 101. stav (1) tačka d) Zakona, protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke, na način propisan članom 99. i 105. Zakona.



Pripremila: Azra Sipović

Prilog:

Zapisnik o pregledu i ocjeni ponuda

Dostaviti:

1. Ponuđačima
2. a/a



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094, Fax: + 387 (0) 33 562-220
Sarajevo, Reisa Džemaludina Čauševića 1

